

1918Ի ՄԱՅԻՍԵԱՆ ՀԵՐՈՍԱՄԱՐՏԵՐԸ ՀԱՅԱՍՏԱՆԻ ԱԶԳԱԳՐՈՒԹԵԱՆ ԹԱՆԳԱՐԱՆԻ ՀԱՒԱՔԱԾՈՒՆԵՐՈՒՄ

ԱՐԵՎԻԿ ՄԵԼԻԿԵԱՆ

arevikmeliqyan@gmail.com

1918ի մայիսեան հերոսամարտերը հայ ժողովրդի գոյապայքարի պատմութեան փայլուն էջերից են: Դրանց միջոցով կասեցուցեց Արեւելեան Հայաստանը զաւթելու եւ հայութեանը վերջնականապէս ոչնչացնելու թուրքական ծրագիրը: Գոյապայքարն իրականացուցեց բազում հայորդիների անձնագրութեան ու քաջութեան շնորհիւ:

Մայիսեան հերոսամարտերի հիմնատու ուսումնասիրութիւնը կատարուել է բաւականին ուշ, քանի որ ժամանակի հայ քաղաքական-հասարակական կեանքը ղեկավարող հիմնական կուսակցութիւնը ՀՅԴն էր, որի գործունէութիւնը առարկայական չէր գնահատում: Դրա հետեանքով 1918-20ի պատմութեան շատ հիմնահարցեր ներկայացուել են թերի¹: Ժամանակ անց փոխուց խորիրոգային իշխանութիւնների վերաբերմունքը մայիսեան հերոսամարտերի գնահատման հարցում: Սարդարապատի հերոսամարտի 50ամեակի եւ Բաշ-Ապարանի հերոսամարտի 61րդ տարեդարձի² առթիւ կառուցուցին հերոսամարտերը յաւերժացնող յուշահամալիրներ:

Հայաստանի ԿԿ Կենտկոմի Ա. քարտուղար Եակոբ Զարորեանի (1960-66) նախաձեռնութեամբ, 1918 մայիսեան պատմական իրադարձութիւնների յիշատակն անմահացնելու անհրաժեշտութիւնից ելնելով, առաջացաւ Սարդարապատի ճակատամարտի յուշարձան կառուցելու գաղափարը: Կազմակերպական աշխատանքների հիմնական դերը ստանձնեց ԿԿ Հոկտեմբերեանի շրջկոմի քարտուղար Վլադիմիր Դարբինեանը³: Զարորեանին փոխարինած Անտոն Քոչինեանի (1966-74) օրօք աւարտուեց յուշահամալիրի շինարարութիւնը⁴:

1968 Մայիսի 25ին բացուեց Սարդարապատի յուշահամալիրը⁵: Հանդիսատւոր բացման ժամանակ նշուեց Սարդարապատի ճակատամարտի 50 ամեայ յորելեանը, տեղի ունեցաւ հանդիսատւոր նիստ՝ հասարակական գործիչների, գրողների, ճակատամարտի մասնակիցների մասնակցութեամբ: 1978ին, յուշահամալիրի տարածքում բացուեց Հայաստանի Ազգագրութեան Պետական Թանգարանը (ՀԱՊԹ), 2010ից՝ Սարդարապատի Հերոսամարտի Յուշահամալիր, Հայոց Ազգագրութեան եւ Ազատագրական Պայքարի Պատմութեան Ազգային Թանգարան:

Բացման առաջին իսկ օրուանից թանգարանի աշխատակազմը ձեռնամուխ է եղել Սարդարապատի ճակատամարտի մասին նիւթերի հաւաքման եւ գիտահետազոտական աշխատանքներին: Հերոսամարտերից անցել էին տարիներ, մասնակիցներից շատերը այլեւ ողջ չէին: Դա դժուարացնել էր լիարժէք տեղեկութիւն ստանալու հնարաւորութիւնը: Չկային բաւարար

արխիւային նիւթեր, որը մնացած մասնակիցներից շատերը չէին ցանկանում բարձրաձայնել հերոսամարտերին իրենց մասնակցութեան մասին: Այս պայմաններում անհատական եւ խմբային գործողութիւնների ժամանակ ձեռք են բերուել ճակատամարտի մասնակիցների լուսանկարներ, յուշեր, օրագրեր: Փաստերը համադրելու եւ հաստատութիւնը ճշտելու նպատակով ուսումնասիրութիւններ են կատարուել Հայաստանի Ազգային Արխիւում, Հայաստանի Ազգային Գրադարանում: Ուսումնասիրութիւններին համընթաց պատճէնուել են ճակատամարտերի մասին քարտէզներ, զծապատկերներ, հրամաններ, վաւերագրեր, լուսանկարներ, բանաւոր տեղեկութիւններ: Գիտաշխատողները նամակագրական կապեր եւ հանդիպումներ են կազմակերպել ճակատամարտի որը մնացած մասնակիցների եւ նրանց հարազատների հետ, կազմել լուսանկարների, անձնական իրերի, յուշերի հաւաքածուներ, անուանացանկ-քարտարան: Իւրաքանչիւր մասնակցի համար ստեղծուել է անձնական քարտ՝ ձեւանմուշ-հարցաշարով, որն ընդգրկում է մասնակցի կենսագրական տուեալները եւ ռազմական գործողութիւնների մասին տեղեկութիւններ: Լրացուել է շուրջ 350 անհատական քարտ, որոնց մի մասը լրացուել են անձամբ մասնակիցները, մնացածը՝ գիտաշխատողները՝ եղած աղբիւրների (գրականութիւն, մամուլ, արխիւային փաստաթուղթ, բանաւոր տեղեկատուութիւն) հիման վրայ: Գործընթացը շարունակում է, կատարուել է վիթխարի աշխատանք, բայց կան շատ չբացայայտուած հարցեր: Հաւաքուած նիւթերի հիման վրայ, 1983ին թանգարանում բացուեց ճակատամարտին 65ամեակին նուիրուած ցուցադրութիւն, որը համալրուեց յետագայ տարիներին: 2008ին թանգարանի կենտրոնական եռազմէթ ցուցասրահում կազմակերպուեցին նոր՝ «1918թ. Մայիսեան Հերոսամարտերն եւ ՀԱՀ Հռչակումը»⁶, իսկ 2018ին՝ «1918թ. Մայիսեան Հերոսամարտերին եւ Հայոց Պետականութեան 100 ամեակին» նուիրուած համալրուած ցուցադրութիւններ⁷:

1918ի մայիսեան հերոսամարտերի վերաբերեալ հաւաքուած նիւթերը պահպանում են ՀԱԹի «Ֆոտո» («Ֆ»), «Փաստաթուղթ» («Փ») «Հերոսամարտերի Պատմութիւն» («ՀՊ»), «Թանկարժէք Մետաղ», («ԹՄ»), «Ազգագրութիւն եւ Կենցաղ 1, 2» («ԱԿ-1, 2»), «Գործուածք» («Գ»), «Ապակի» («Ա»), «Կերպարունստ» («Կ») ֆոնդերում: Հաւաքածուների փաստանիւթը պարունակում է մատնքներ, որոնք ունեն պատմական արժէք: Դրանք լուսանկարներ, յուշագրութիւններ, փաստաթղթեր, նամակներ, ամսագրեր, թերթեր, գրքեր են, որոնց լուսաբանմամբ հանրութեանն է ներկայացում ոչ միայն թանգարանային հաւաքածուն, այլեւ շրջանառութեան են դրում եզակի տեղեկութիւններ, որոնք երբեւէ հրապարակուած չեն եղել եւ կարող են հիմք հանդիսանալ պատմագիտական ուսումնասիրութիւնների համար:

Անդրադառնանք այդ հաւաքածուներին ըստ էութեան:

Թանգարանի «Ֆոտո» («Ֆ») հիմնական եւ գիտաօժանդակ («ՖԳՕ») ֆոնդերում են պահպանում 1918ի մայիսեան հերոսամարտերի՝ Սարդա-

րապատի, Բաշ-Ապարանի եւ Ղարաքիլիսայի մասնակիցների լուսանկարներ ու սեանակարներ: Գերակշռում են Սարդարապատի ճակատամարտի մասնակիցների լուսանկարները (220, որից 20ը՝ թուային տարբերակով): Նրանցից 32ը մասնակցել են եւ Սարդարապատի եւ Բաշ-Ապարանի հերոսամարտերին: Բաշ-Ապարանի հերոսամարտի մասնակիցների բնօրինակ լուսանկարները 103ն են: Ղարաքիլիսայի հերոսամարտի մասնակիցների լուսանկարները սակաւաթիւ են՝ 14 (7ը՝ թուային տարբերակով) միայն:

Նոյն ֆոնդում են պահպանում հրամանատարներ Ռժովմաս Նազարբէկեանի, Մովսէս Սիլիկեանի, Դանիէլ-Բէկ Փիրումեանի, Տրդ գնդի հրամանատար Պողոս-Բէկ Փիրումեանի, հայկական հրետանու ընդհանուր հրամանատար գնդապետ Քրիստափոր Արարատեանի, սպայական կազմի, Գէորգ Ե. կաթողիկոս Սուրենեանցի, Գարեգին եպիսկոպոս Յովսէփեանցի, շարքային աշխարհագորայիների, ինչպէս նաեւ Սարդարապատի ճակատամարտին նուիրում տօնակատարութիւնների լուսանկարներ:

Առանձին խումբ են կազմում *կոռնէր* Վանոյի, յետագայում՝ ԽԱՀԱ կրկնակի հերոս, մարաշախտ Յովհաննէս Բաղդամեանի, լուսանկարները (ՀԱՊԹ5396 «Ֆ»-231/1ա, բից մինչեւ ՀԱՊԹ5396 «Ֆ»-231/21ա, բ, գ)⁸: Պահպանում են Սարդարապատի յուշահամալիր Նրա այցի (1968) մասին պատմող լուսանկարներ (ՀԱՊԹ 4055 «Ֆ»-217/8, 9 (1968) ՀԱՊԹ3144 «Ֆ»-174/5):

1918 մայիսեան հերոսամարտերի հազարատուր անյայտ մասնակիցների անուններ դեռ բացայայտման կարիք ունեն⁹: «Ֆ» ֆոնդը ամբողջացնելու եւ նոր անուններով հարստացնելու համար անհրաժեշտ է ձեռք բերել Յատուկ Հեծեալ Գնդի հրամանատար Ամիրխանեանի, հետեակային ճրգ գնդի հրամանատար Ա. Դոլուխանեանի, Չրգ հեծեալ գնդի հրամանատար Ն. Զալինեանի, Ղարաքիլիսայի 1ին հրաձգային զօրաջոկատի հրամանատար Ա. Բէշ-Մամիկոնեանի, Յրգ հրաձգային գնդի հրամանատար Ա.Սամարցեանի, Էրզրումի հետեակային գնդի հրամանատար Հալաբեանի եւ այլ մասնակիցների լուսանկարները:

(«Փ») հիմնական եւ գիտաօժանդակ («ՓԳՕ») ֆոնդերում են պահպանում 1968ին յուշահամալիրի բացման, Սարդարապատի ճակատամարտի 50ամեակին նուիրում տպագիր նիւթերը՝ ամսագրեր, թերթեր, գրքեր: Արժէքատուր են Սարդարապատի ճակատամարտի ռազմական գործողութիւնների գծապատկերներն ու քարտէզները, որոնք պատճենւում են ՀԱԱից:

Մեծ արժէք են ներկայացնում Յակոբ Կոջոյեանի¹⁰ 1918 Մայիսի 27ի եւ 27-28ի Սարդարապատի ճակատամարտը ներկայացնող ռազմական գործողութիւնների գծապատկերները, որոնք յետագայում հիմք են հանդիսացել նոր քարտէզներ գծագրելու համար: Հաւաքածուն համալրում է 1966ին Բաղդամեանի գծած Սարդարապատի ճակատամարտի ռազմա-

կան գործողությունների քարտեզով: Պահպանում են նաեւ 1918 Մայիսի 14ի Երեւանի գորախմբի տեղաբաշխման գծապատկերը եւ Ղարաքիլիսայի ճակատամարտի ռազմական գործողությունները ներկայացնող գծապատկեր-քարտեզը:

Հաւաքածուում առանձին խումբ են կազմում մասնակիցների յուշերը հերոսամարտերի մասին: Պատմագիտության ասպարեզում կարելու որ անփոխարինելի է յուշագրության սեռը: Դրանք յաճախ միակ վկայություններն են այս կամ այն իրադարձության կամ դէպքի վերաբերեալ: Այն լրացնում է պատմական սկզբնաղբիւրային նիւթը, բացայայտում դէպքերի ու իրադարձությունների հաաստիութիւնը եւ ի յայտ բերում նոր փաստեր: Մասնակիցների յուշերը թուով տասն են, ձեռագիր՝ շարադրուած պարզ, աւելեղծ եւ աչքի են ընկնում տեղեկութիւնների առատութեամբ՝ վերհանելով իրադրութեան իրական պատկերը¹¹: Դրանց թում են Սարդարապատի ճակատամարտի 5րդ գնդի Ա. Գումարտակի կապի վաշտի հրամանատար Գէորգ Սարգսեանի, 5րդ հրաձգային գնդի զինուոր Յովհաննէս Մարգարեանի, 5րդ գնդի Ա. Վաշտի հրամանատար՝ Յակոբ Սիմոնեանի, նոյն գնդի զինուորներ Լեւոն Ադունցի, Լեւոն Նիկոլեանի, մասնակիցներ Երուանդ Կիւրեղեանի, Հայկազ Եփրեմեանի եւ Հմայեակ Խաչատրեանի, բժիշկ Քրիստափոր Փիրումեանի¹², Ապարանի հերոսամարտի մասնակից Մամիկոն Տէր-Սարգսեանի, զինուորական բժիշկ Նշան Մանիշակեանի յուշերը: Նրանց յուշերն ամփոփուեցին 2014ին թանգարանի հրատարակած *1918թ. Մայիսեան Հերոսամարտերը Մասնակիցների Յուշերում* գրքում: Հեղինակային այս խմբի ջանքերով 2008ին, 1918ի մայիսեան հերոսամարտերի 90ամեակի կապակցութեամբ, հրատակուել է *Սարդարապատ՝ Յաղթանակների Բնօրրան* գրքոյկը՝ օգտագործելով թանգարանի հաւաքածուներում պահուող լուսանկարներ եւ քարտեզների կրկնօրինակները:

Հաւաքածուում ընդգրկուած նամակներն անձնական կամ պաշտօնական գրութիւններ են: Դրանց թում է Սարդարապատի ճակատամարտի մասնակից Լեւոն Ադունցի 1981 Մարտի 10ի ՀԱՊԹ 3040 «Փ»-12/2 հաշուառանիշի նամակը: Նա գրում է, որ 1968 Մայիսի 18ին Հոկտեմբերեանի շրջանային կոմիտէից ստացուած հեռագրով հրաւիրուել է յուշահամալիրի բացմանը, որը տեղի է ունենցել Մայիսի 25ին, եւ նրա ներկայութիւնը համարուել է կարելու: Ադունցը նշել է, որ հեռուստատեսութեամբ յայտարարութիւն է արուել Սարդարապատի ճակատամարտի մասնակիցների լուսանկարների, յուշերի հաւաքման եւ թանգարան յանձնելու վերաբերեալ: Նա գրել է. «...*Ես ունէի զինուորական համազգեստով... ռազմաճակատից նկար: Այդ նկարը մեծացրեցի եւ մեքենագրուած յուշերիս հետ փարայ թանգարան 1971թ.: Թանգարանը դեռ չէր բացուել թանգարանը բացուել է 1978ին, ես դրանք թողեցի Հոկտեմբերեանի շրջանային կոմիտէի երկրորդ քարտուղարի [Միքայէլ Նուրիջանեան] մօտ»:*

ՀԱՊԹ 4067/11 «Փ»-56/11 հաշուառանիշի նամակը հասցեագրում է Բաղրամեանին՝ ծննդեան 70ամեակի առթիւ: Սարգարապատի ճակատամարտի մասնակից, Խզնաուզի ջոկատի հրամանատար Կարօ Հասան-Փաշայանի (Ղասաբբաշեան) դուստր Լիա Կարպովնան խնդրում է վերջինիս որոշ տեղեկություններ յայտնել հօր մասին: Բաղրամեանը պատասխանում է խորին շնորհակալութեամբ եւ տեղեկացնում, որ նրա հայրը աչքի է ընկել իր անձնուրաց եւ հերոսական մարտական գործողութիւններով:

Կենսագրական տեղեկութիւններ պարունակող նամակներից է Սարգարապատի ճակատամարտի մասնակից, Տրդ հայկական հրաձգային գնդի Ա. գումարտակի հրամանատար Վարդան Մկրտիչի Ջաղինեանի¹³ մասին պատմող ՀԱՊԹ 4067/8 «Փ»-56/8 հաշուառանիշի նամակը (08.12.1968), որի հեղինակն է նոյն գնդի նախկին սպայ Մարտին Մարտիրոսեանը¹⁴: Նամակում նշում է, որ Ջաղինեանը ճակատամարտի յաղթանակից երկու օր առաջ զոհուեց հերոսի մահով: ՀԱՊԹ 4067/6 «Փ»- 56/6 հաշուառանիշ նամակում Մարտին Մարտիրոսեանը հաղորդում է Կարօ Հասան-Փաշայանի¹⁵ կենսագրական տուեալները, ինչպէս նաեւ ճակատամարտի ժամանակ բարձունքների վրայ նրա վճռական յարձակման մանրամասներ: ՀԱՊԹ 4067/7 «Փ»-56/7 հաշուառանիշ նամակում Մարտին Մարտիրոսեանը պատմում է Սարգարապատի ճակատամարտի մասնակից ենթասպայ Արսէն Յովհաննէսի Սարգսեանի մասին¹⁶, ով զոհուել է 21 տարեկանում՝ բարձունքներից մէկի գրոհի ժամանակ: Մարտիրոսեանը նշում է, որ նրան յաղթականորէլ են էջմիածնի Ա. Գայիանէ եկեղեցու բակում:

«Փաստաթուղթ» ֆոնդում է գտնուում Սարգարապատի ճակատամարտի մասնակից Հայկ Այվազեանի¹⁷ եղբոր՝ Եղիշէ Այվազեանի ՀԱՊԹ 4067/2 «Փ»-56/2 հաշուառանիշի նամակը (03.10.1969 Ստամբուլ) «Սարգարապատի եւ Բէյիւք-Վեդիի Անմահ Հերոս ու Նահատակ Կապիտան Հայկ Այվազեանի Հակիրճ Կենսագրութիւնը» վերնագրով: Նամակում ներկայացում են նրա ծնողների եւ եղբոր կենսագրութիւնները, ինչպէս նաեւ եղբոր մահուան հանգամանքները Բէյիւք-Վեդիում: Եղիշէն գտնուել է այն կամուրջների պաշտպանների շարքերում, որոնցով թշնամին ձգտում էր անցնել Արաքսը: Այդտեղ էլ նա զոհուել է իր վաշտի 30 զինուորների հետ եւ թաղուել Երեւանի քաղաքային գերեզմանատանը:

Նամակներ պահպանում են նաեւ «Հերոսամարտերի Պատմութիւն» ֆոնդում: Դրանց թւում է Սարգարապատի եւ Բաշ Ապարանի ճակատամարտերի մասին կարեւոր տեղեկութիւններ պարունակող բաշգառնեցի Մարտիրոս Աբրահամեանի (1886-1957) 1956 Օգոստոսի 23ի *Ալիք* թերթի խմբագրին հասցեագրած ՀԱՊԹ 8564 «ՀՊ»-26 հաշուառանիշի նամակը, որտեղ նա պատասխանել է «ոմն պարոն սպայի» մեղադրանքին թէ՛ Մարտիրոս Աբրահամեանի յուշերում տեղ են գտել որոշակի սխալներ¹⁸:

2015ին «Հերոսամարտերի Պատմութիւն» ֆոնդը համալրուեց եւս մէկ նամակով՝ ՀԱՊԹ 8565 «ՀՊ»-27/4 հաշուառանիշով: Այն գրել է Բաղրամ-

եանը 1968 Հոկտեմբերի 28ին՝ Մոսկուայից եւ հասցեագրուած է ոմն Արամայիս Մարտիրոսովիչի, որի հետ ծառայել է 3րդ հայկական հրաձգային գնդում: Այն թանգարանին է նուիրել «Տուրիզմի Հայկական Ինստիտուտ, Ռուսաստանի Տուրիզմի Միջազգային Ակադեմիայի» մասնաճիւղի ռեկտոր Ռոբերտ Մինասեանը: Հաաքածուում չկան զօրավարներ Նազարբեկեանի, Մ. Սիլիկեանի նամակները: Նազարբեկեանը իր յուշերը գրելու համար դիմել է Մ. Սիլիկեանի օգնութեանը՝ խնդրելով նրան մանրամասն տեղեկութիւններ հաղորդել 1914-18՝ ռազմական գործողութիւնների մասին: Վերջինս պատրաստական օգնել է նրան: Այս նամակները թանգարանում կարող էին լինել նաեւ լաւ ցուցանիշներ:

Թանգարանի ֆոնդերում պահպանում են նաեւ գրութիւններ, օրագրեր, հրամաններ, կոչեր, մասնակիցների կենսագրականներ, ելոյթների բնագրեր, որոնք ընթերցուել են հերոսամարտերի տօնակատարութիւնների եւ մասնակիցների մեծարման ժամանակ:

Ուշագրաւ է «1918թ. Մայիսեան Հերոսամարտերը եւ ՀԱՀ» ցուցադրութեան մէջ ներկայացուած Յովհաննէս Թումանեանի «Անդրանիկը եւ Ղարաքիլիսան» գրութիւնը¹⁹ զօրավար Անդրանիկի՝ Դսեղում մնալու եւ երկաթուղագիծը պահելու մասին: Մեծ բանաստեղծը համոզիչ փաստարկներով արդարացրել է զօրավարին՝ Ղարաքիլիսայի անկման պատճառ համարելով գլխաւոր հրամանատարութեան իրար հակասող հրամանները:

«Հերոսամարտերի Պատմութիւն» ֆոնդում պահպանում է ՀԱՊԹ 8213/5 «ՀՊ»-3 հաշտառանիշով, 38 էջից բաղկացած Սարդարապատի ճակատամարտի մասնակից, հայկական հրետանու ընդհանուր հրամանատար Արարատեանի օրագիրը, որը թանգարանին է նուիրել նրա թոռը՝ Եւրի Արարատեանը՝ 2008ին:

Թանգարանի կենտրոնական եռագմբէթ ցուցասրահում՝ Սարդարապատի հերոսամարտը ներկայացնող խորանում, ներկայացուած են ՀԱԱից կրկնօրինակուած երեսնեան ուղղութիւնը պաշտպանող զօրացոկատի հրամանատար Մովսէս Սիլիկեանի կոչերը, որոնցից մէկը հնչել է Սարդարապատի ճակատամարտի ժամանակ՝ Մայիսի 24ին (ՀԱԱ ֆ. 280, ց. 2, գ. 4, թ. 1): Դիմելով հայերին, նա կոչ է արել շտապել ազատագրելու հայրենիքը, գործի դնել վերջին ճիգերը՝ թշնամուն հարուածելու համար, իսկ հայրիւններին՝ յիշեցրել 5րդ դարի փափկասուն տիկնանց, եւ խորհուրդ տուել հետեւել նրանց օրինակին: Միւսը Սիլիկեանի՝ Մայիսի 29ի «Հայեր, մենք պէտք է թուրքերից հետ վերցնենք Ալեքսանդրապոլը...» (ՀԱԱ ֆ. 280, ց. 2, գ. 6, թ.1) կոչն է: Կոչերի թում են նաեւ հրամանատար Նազարբեկեանի Մայիսի 26ի (ՀԱԱ ֆ.121, ց. 2, գ. 84, թ. 1) եւ Թումանեանի Մայիսի 16ի (Յովհաննէս Թումանեան, *Երկերի Լիակալարար Ժողովածու*, Հրդ. 7, Երեւան 1995, էջ 354-55) կոչերն ուղղուած լոնցիններին: Յուցադրում է նաեւ Գէորգ Ե. Կաթողիկոսի պատասխանը գլխաւոր հրամանատարութեանը՝ Էջմիածնից չհեռանալու մասին. «...Ոչ եւ ոչ, հազար անգամ ոչ, ես

չեմ լքի մեր սուրբ նախնիների ամանդած Մայր Աթոռը, ես չեմ հեռանալ Հայոց Առաքելական օջախից»։ Կաթողիկոսի յաջորդ քայլը հոգեւոր դասին հասցեագրուած յանձնարարականն է՝ կոչելու ժողովրդին անգիջում պայքարի՝ թշնամու դէմ, զէնքը ձեռքին ընդունելու փառաւոր մահ, կամ տանել փառաւոր յաղթանակ. «...Ես միշտ էլ հաւատացել եմ իմ ժողովրդի ոգուն։ Ես գիտեմ նրա անցած ճանապարհի դառնութիւնները։ Իսկ դրանք ո՞վ չգիտի։ Բայց վերին նախախնամութեան բարեհաճ թելադրութեամբ համոզուած եմ նաեւ, որ ազգն իմ հայոց անարգ թշնամուն դեռեւս չի ասել վերջին իր խօսքը եւ խօսքն այդ պիտի լինի յաղթական»։

Հաւաքածուն պարունակում է մեծարման երեկոների եւ այլ միջոցառումների 160ից ատիկ հրաւիրատուն։ Դրանց թւում է նաեւ Սարգարապատի ճակատամարտի մասնակից Վահան Տէր-Առաքելեանի²⁰ ծննդեան 100ամեակին (Երեւան, 1984) նուիրուած ՀԱՊԻԹ-6315 «Փ»-194/1 հաշուառանիշի հրաւիրատունը, Սարգարապատի հերոսամարտի մասնակից, եզդիական աշխարհագրային գնդի հրամանատար Զահանգիր աղա Խատիֆովի²¹ մահուան վկայականը (ՀԱՊԻԹ 6066/4 «Փ»-171/4) եւ արդարացման փաստաթուղթը (1959) (ՀԱՊԻԹ 6066/3«Փ»-171/3)։

Ֆոնդերում պահպանում են նաեւ Սարգարապատի, Բաշ-Ապարանի, Ղարաքիլիսայի հերոսամարտերին նուիրուած մամուլի եւ գրականութեան բազմաթիւ նիւթեր, գրքեր ու յօդուածներ (հայերէն եւ օտար լեզուներով), հերոսամարտերի մասնակիցների անձնական իրեր (հերոսամարտերի ժամանակ օգտագործուած զէնք, հեռադիտակ, փողկապ, ժամացոյց, ակնոց, զօտի, ծխամորճ, ծխախոտատուսի են.), որոնք թանգարանին նուիրել են մասնակիցների ժառանգները։

«Թանկարժէք Մետաղ» ֆոնդային հաւաքածուում են գտնուում Սարգարապատի ճակատամարտի կազմակերպիչ, հայոց նորագոյն պետականութեան հիմնադիր Արամ Մանուկեանի անձնական առարկաները՝ բաժակակալը (ՀԱՊԻԹ 8196/1 «ԹՄ»-835), ժամացոյցը (ՀԱՊԻԹ 8196/2 «ԹՄ»-835), թեզանիքակալները (ՀԱՊԻԹ 8196/3ա,բ «ԹՄ»-835)²²։

Հաւաքածուներում են պահպանում Ղարաքիլիսայի ճակատամարտի մասնակից Յովհաննէս Բայոյեանի²³ «Մաուզեր» մակնիշի երկու ատրճանակները (ՀԱՊԻԹ 8424/1,2 «ԹՄ»-855), փամփշտակալներով զօտին (ՀԱՊԻԹ 8424/3 «ԹՄ»-855) փոխանցել է Թեհրանի հայոց թեմի առաջնորդ Սեպուհ սրբազան Սարգսեանը 2012ին, Բաշ-Ապարանի ճակատամարտի մասնակից Գաբրիէլ Ահարոնեանի սուրը (ՀԱՊԻԹ 8314/1 «ՀՊ»-4) նուիրել է թոռնուհի Բերսաբէ Ահարոնեանը 2010ին, աշխարհագրային Սարգիս Թարվերդեանի մանգաղը (ՀԱՊԻԹ 7114 «ԱԿ-2»-597) եւ հրացանի սուիները (ՀԱՊԻԹ 7123 «ԹՄ»-796) նուիրել է թոռ Սերոժ Սարգսեանը 1988ին, Նաւասարդ Վեգիրեանի²⁴ «Մոսին» հրացանը (ՀԱՊԻԹ 8440 «ՀՊ»-19) եւ դաշոյնը (ՀԱՊԻԹ 8398/1 «ՀՊ»-11) նուիրել է թոռը՝ Շմատոն Վեգիրեանը 2014ին, Հմայեակ Խաչատրեանի դաշոյնը (ՀԱՊԻԹ 542/ա,բ «ԹՄ»-75,

գնուել է Հրաչիկ Խաչատրեանից (1988ին), ժամացոյցները (ՀԱՊԹ 7120/1,2 «ԹՄ»-793), գնուել են Բաւական Խաչատրեանից (1988ին):

«Ազգագրութիւն եւ Կենցաղ 1» ֆոնդի երկու հեռադիտակներից մէկը (ՀԱՊԹ 2861 «ԱԿ-1»-349) պատկանել է Վարդան Զադինեանին: Այն օգտագործուել է ճակատամարտի ժամանակ: Զադինեանին նուիրուած հաւաքածուն ամբողջացնում են նրա զինուորական պայուսակը (ՀԱՊԹ 6021 «Գ»-2779) եւ սգոյ պսակի ժապաւնը (ՀԱՊԹ 2864 «Գ»-1254)²⁵՝ նուիրել է եղբայրը՝ Գրիշա Զադինեանը 1980ին:

Միւս հեռադիտակը (ՀԱՊԹ 8422/1 «ՀՊ»-16) պատկանել է Բաշ-Ապարանի ճակատամարտի մասնակից Սամսոն Մնացականեանին²⁶, նուիրել է թողը՝ Արմէն Մնացականեանը 2013ին:

Ա. Համաշխարհայինի ժամանակ մարտերում ցուցաբերած խիզախութեան եւ քաջութեան համար զինուորները եւ կամաւորականները յաճախ են պարգեատրուել շքանշաններով ու մեդալներով, այդ թւում նաեւ Գէորգիեան խաչերով: Ֆոնդի հաւաքածուում առկայ է չորրորդ աստիճանի Գէորգիեան արծաթե խաչ՝ ժապաւնով (ՀԱՊԹ 8243 «ԹՄ»-477):

Հետաքրքրութեան են արժանի Սարդարապատի ճակատամարտի մասնակից Երուանդ Մամաջանեանի²⁶ գօտին եւ ժամացոյցները: Նա գօտին կրել է Սարդարապատի ճակատամարտի ժամանակ (թանգարանում պահուող լուսանկարում նա այդ գօտին է կրել), իսկ նրա որդու՝ Ալեքսանդր Մամաջանեանի հաղորդած տեղեկութեան համաձայն ժամացոյցներից մէկը նուէր է ստացել Բաշ-Ապարանի ճակատամարտի հրամանատար Ղրաստամատ Կանայեանից:

Ցանկալի կը լինէր ֆոնդային հաւաքածուներում ունենալ 1918 մայիսյան հերոսամարտերի հրամանատարական կազմի եւ շարքային մասնակիցների զէնքեր, շքանշաններ, մեդալներ ու զինուորական հագուստներ:

Սարդարապատի հերոսամարտին բազմիցս անդրադարձել են հայկական արուեստի եւ գրականութեան գործիչները, ինչպէս՝ քանդակագործ Աշոտ Յարութիւնեանը («Ֆիդայու Երդումը» արձանախումբ դիպլոմային աշխատանք, Երեւան, 1986, գիպս, նուիրուած Սարդարապատի ճակատամարտի հերոսներին²⁷): Արուեստի գործեր են Սարդարապատի եւ Բաշ-Ապարանի հերոսամարտերին մասնակցած եզդիների հեծեալ կամաւորական զոմարտակի հրամանատար Ուսուբ-բէկ Թեմուրեանցի²⁸ բրոնզաձոյլ կիսանդրին (ՀԱՊԹ 8421 «ՀՊ»-15)²⁹, Արամ Մանուկեանի բրոնզաձոյլ կիսանդրին³⁰:

«Կերպարուեստ» ֆոնդում են պահպանում նաեւ Սարդարապատի հերոսամարտին նուիրուած մի շարք կտաներ: Դրանց թւում են Գուրգէն Ղուկասեանի³¹ եւ Գէորգ Մնացականեանի³² եռապատկերները, Յակոբ Յակոբեանի³³, Էմիլ Սարուխանեանի³⁴, Հենրիկ Իգիթեանի անուան Գեղագիտութեան Ազգային Կենտրոնի սաների աշխատանքները³⁵:

Այսպիսով, Սարդարապատի հերոսամարտի յուշահամալիր, ՀԱԱՊԱԹի ֆոնդային հաաքածուներում պահպանուող արժեքները Հայաստանի Պատմության Թանգարանի եւ ՀՀ ԳԱԱ Հայոց Ցեղասպանության Թանգարան-Ինստիտուտի հաաքածուների կողքին պարունակում են գիտական շրջանների համար հետաքրքրություն ներկայացնող թանգարանային առարկաներ եւ փաստագրական նիւթեր, որոնք կարող են հիմք հանդիսանալ յետագայ հետազոտությունների: ՀԱԱՊԱԹն Հայաստանի Հանրապետության միակ թանգարանն է, որտեղ լիարժեք ներկայացւում է 1918-20 պատմութիւնը:

Սարդարապատի յուշահամալիրը այն եզակի վայրերից է, որտեղ իւրաքանչիւր հայ հպարտութեան զգացում է ունենում: Ամեն տարի թանգարան են այցելում հայ եւ օտարազգի շուրջ 26,000 զբօսաշրջիկ, ներառեալ՝ հերոսամարտերի մասնակիցների ժառանգներ՝ յարգանքի տուրք մատուցելու հերոսամարտերի մասնակիցների յիշատակին:

Այցելուների մէջ մեծ թիւ են կազմում ՀՀ տարբեր մարզերի աշակերտներ, որոնց համար կազմակերպւում են հայրենասիրական կրթական ծրագրեր:

ԾԱՆՕԹԱԳՐՈՒԹԻՒՆՆԵՐ

¹ Սամսոն Քառեան, *Հայաստանի Առաջին Հանրապետության Պալատականութիւն*, Երեւան, ՀՀ ԳԱԱ «Գիտութիւն» Հրատ., 2003, էջ 5:

² Յուշահամալիրը կառուցուել է ի յիշատակ Մեծ Եղեռնի, Ապարանի հերոսամարտի եւ Երկրորդ Աշխարհամարտում զոհուածների:

³ Վլադիմիր Դարբինեանը պատմում է, «ՀԼԿԵՄ Կենտրոնի առաջին քարտուղար եղած Ժամանակ (1959-61) հանրապետութեան ակտիւ ընդլայնուած խորհրդակցութիւն էի անցկացնում, երբ վերջում ինձ մօտեցաւ գրող, հրապարակախօս Հրաչեայ Քոչարը եւ յայտնեց հետեւեալ միտքը. «Հայաստանում տեղի ունեցած բոլոր կոիւնտերից մեծը Սարդարապատի ճակարամարտն է, որովհետեւ նրա յաղթանակի շնորհիւ մեր հայ ժողովուրդը փրկուեց կործանումից»: Չրոյցի ընթացքում պահանջում էր, որ հնարատրութեան ղեկավար Հոկտեմբերեանում կառուցուի Սարդարապատի յուշարձան-կոթող: Այդ օրոհանից սկսեցի մտածել, թէ ինչպէս կարելի է այդ մտայղացումը իրականացնել»: 1961ի վերջին Դարբինեանը նշանակուեց Հոկտեմբերեանի կուսշրջկոմի առաջին քարտուղար եւ այցելում Քոչարին: Երկար զրոյցից յետոյ համաձայնում են, որ «Հոկտեմբերեանում պէտք է կառուցուի Սարդարապատի ճակարամարտի վերաբերող յուշակոթող» (Աշոտ Ղուկասեան, *Վլադիմիր Դարբինեանի Կեանքն Ու Գործը*, Երեւան, «Զանգակ 97» Հրատ., 2006, էջ 5-6):

⁴ Սարդարապատի յուշահամալիրը կառուցուել է կոլտնտեսութիւնների, պետական տնտեսութիւնների, Հոկտեմբերեանի շրջանի ամբողջ հասարակութեան նիւթական օժանդակութեան միջոցով ու նրանց հայրենասիրելի աշխատանքի շնորհիւ (Նոյն, էջ 7):

- ⁵ Կառոյցի հեղինակներն են ԽՍՀՄ ժողովրդական ճարտարապետ Ռաֆայել Իսրայելեանը, քանդակագործներ Արա Յարութիւնեանը, Սամուէլ Մանասեանը եւ Արշամ Շահինեանը:
- ⁶ Կազմակերպիչներ՝ տնօրէն Կարէն Արիստակէսեան, գիտ. գծով փոխտնօրէն Սվետլանա Պօղոսեան, բաժնի վարիչ Արեւիկ Մելիքեան, յարգարող՝ Էդիկ Կարսեան:
- ⁷ Կազմակերպիչներ՝ Արիստակէսեան, Պօղոսեան, Մելիքեան, գիտաշխատողներ Թեմինէ Պօղոսեան, Մարիամ Կուրեղեան, յարգարող Աշոտ Մանուկեան:
- ⁸ Յովհաննէս Բաղդամեանը մեծ դեր է ունեցել Սարգարապատի յուշահամալիրի կառուցման գործում: Նա այցելել է ԽՍՀՄ Կենտրոնի առաջին քարտուղար Լէոնիտ Բրեժնեւին եւ համոզել նրան յուշարձանի կառուցման անհրաժեշտութեան հարցում: Բաղդամեանը մանրամասնել է, որ 1918 Մայիսին Սարգարապատի ճակատամարտում անձամբ է կոռել թուրքերի դէմ (մոյշ, էջ 7): Նա իր զինուորական ծառայութիւնը սկսել է 1915ին, մեկնել է կովկասեան ռազմաճակատ, իսկ Սարգարապատում եղել է յատուկ հեծեալ գնդի վաշտի հրամանատար:
- ⁹ Սարգարապատի ճակատամարտի մասնակիցների յուսակարների հաաքման գործում մեծ ներդրում է ունեցել հայ մշակոյթի նուիրեալ, բանահաւաք Միհրան Մուրադեանը: Նա 1970-87՝ շրջել է Հայաստանի շրջաններով եւ հաաքել աւելի քան 70 լուսանկար, որոնց դարձերեսին գրել է տուեալ անձի համառօտ կենսագրութիւնը: Անաւարտ այս հաաքածուն ստեղծուել է հետետղական աշխատանքով:
- ¹⁰ Գծապատկերների ընտրիւնակները պահպանում են ՀԱՍում: Դրանք մակագրուած են ռուսերէն՝ «գծագրել է ռազմական գերատեսչութեան աստիճանաւոր Յ. Կոչոյեանցը՝ ծնունդով Ախալցխայից»):
- ¹¹ Ա. Բ. Մելիքեան, «1918թ. Մայիսեան Հերոսամարտերը Մասնակիցների Յուշերում», *Լրաբեր Հասարակական Գիտութիւնների*, 2012:2-3, էջ 149: Նաեւ՝ 1918թ. *Մայիսեան Հերոսամարտերը Մասնակիցների Յուշերում*, աշխ.՝ Կ. Արիստակէսեան, Ա. Պօղոսեան եւ Ա. Մելիքեան, խմբ.՝ Կ. Արիստակէսեան, Երեւան, «Անտարես» Հրատ., 2014:
- ¹² Նա յետագայում դարձաւ բժշկական գիտութիւնների դոկտոր, պրոֆեսոր, 180 աշխատութիւնների հեղինակ:
- ¹³ Շնուել է Ստեփաննաւանում (Նախկին Զալալ Օղլի) 1899ին: 1914ին աւարտել է Թիֆլիսի Յրդ. արական գիմնազիան: Նոյն թուականին ընդունուել է Թիֆլիսի եռնկերական գիմնորական դպրոցը: 1917ին փոխադրուել է Տրդ. հայկական հրաձգային գունդ: Որպէս Տրդ. հայկական մահապարտների գնդի առաջին գումարտակի հրամանատար մասնակցել է Սարգարապատի ճակատամարտին եւ յաղթանակից երկու օր առաջ հերոսի մահով գոհուել 25 տարեկան հասակում:
- ¹⁴ Շնուել է 1894ին Ելիզաւետպոլի նահանգի Գանձակ քաղաքում (այժմ՝ Ադրբեջանի Հանրապետութիւն, Գեանջա): 1914-15՝ սովորել է Մոսկուայի Համալսարանում, ապա՝ Խարկովի նահանգի Չուգուն քաղաքի ռազմական դպրոցում՝ ստանալով հետեանկի կրտսեր սպայի զինուորական աստիճան: 1915ին անցել է զինուորական ծառայութեան: Սարգարապատի ճակատամարտից յետոյ աշխատել է *Ժողովուրդ* թերթի տպարանում: Յեղափոխական գործունէութեան համար քանտարկուել է: Ազատ արձակուելուց յետոյ մեկնել է Բաթում: 1919ին միբանի ընկերների հետ մեկնել է Փարիզ, աշխատանքի: Մահացել է 1982ին, Երեւանում:

¹⁵ Սարգսրապատի ճակատամարտի մասնակիցների թում աչքի է ընկել ախալքալսքցի երիտասարդ զնդապետ Կարո Նազարեթի Հասան-Փաշայեանը՝ ծնունդով 1896ին: Դեռևս 1915-17ի կովկասեան ճակատի կռիւների ընթացքում նա արդէն հռչակուել է որպէս խիզախ եւ անվեհեր հրամանատար՝ յաղթանակով պսակել բոլոր մարտերը...: Նա շատ արագ կարգի է բերում իր գունդը եւ մասնակցում Սարգսրապատի ճակատամարտին: Ընդհանուր յարձակման ժամանակ նրա զօրքերը նոյնպէս հարուածում են թշնամու աջ թեւին: Մայիսի 26ի պատմական յարձակումն ասարտում է թուրքերի կատարեալ պարտութեամբ: Նոյն օրուայ երեկոյեան Հասան-Փաշայեանի զօրքերը մինչեւ Մաստարա հետապնդում են խոնապահար թուրքերին եւ հսկայական կորուստներ պատճառում: Նա մեծ համբաւ է ունեցել նաեւ Սովետական Հայաստանի նորակազմ բանակում:

¹⁶ Արսէն Սարգսեանի եղբայրը՝ Սարգսրապատի ճակատամարտի Տրդ. գնդի առաջին գումարտակի կապի վաշտի հրամանատար Գէորգ Սարգսեանը իր յուշերում նշում է, որ ստանալով Գէորգ Ե. կաթողիկոսի թոյլտուութիւնը, Ա. Սարգսեանի աճիւնը յուղարկաւորել է Ա. Գայիանէ վանքի հիւսիսային մուտքի դիմաց: Տարիներ անց, ստանալով Վազգէն Ա. կաթողիկոսի թոյլտուութիւնը, Արսէնի գերեզմանի վրայ դրել է տապանաքար: Ս. Գայիանէ եկեղեցու բակում են թաղում Դանիէլ-բէկ Փիրումեանը, Զաւէն Մահուտի Բաբայեանը, Սմբատ Բորոյեանը (Մախլուտո), Սամսոն Տէր-Պողոսեանը (Խենթ): 2013ից, ՀԱՄԴՊԱՅԻ նախաձեռնութեամբ, Ա. Գայիանէ եկեղեցում Մայիսին տոնի է ունենում հերոսներին նուիրումը պատարագ եւ խնկարկման, ծաղկեպսակների զետեղման արարողութիւն նրանց շիրիմներին:

¹⁷ Ծնուել է Երեանի նահանգի Սուրմալու գաւառի Իգդիր քաղաքում: Նախնական կրթութիւնը ստացել է Իգդիրի ուսական վարժարանում, այնուհետեւ՝ Էջմիածնի Գէորգեան ճեմարանում: 1913-14՝ աւարտել է Թիֆլիսի առեւտրական դպրոցը, այնուհետեւ զօրակոչուել բանակ: Մասնակցել է Ա. Համաշխարհային պատերազմին: Մահացել է 1920ին:

¹⁸ Նամակը թանգարանին է նուիրել է ԵՊՀ Ընդհանուր Լեզուաբանութեան Ամբիոնի վարիչ Վարդան Պետրոսեանը՝ 2015 Փետրուարի 2ին:

¹⁹ «Ղարաքիլիսայի անկման օրից սկսած՝ անդադար մարդիկ են պատահում, որոնք դատապարտում են Անդրանիկին, որ Ղարաքիլիսայի պատերազմի ժամանակ նա՝ խոշոր ուժերով՝ մնաց էնքան մօտիկ՝ Դսեղ նստած, մինչդեռ եթէ օգնութեան հասներ Դուալից, պատերազմը բոլորովին ուրիշ ելք կ'ունենար: Այո՛, միանգամայն ճշմարիտ են ասում, որ եթէ Անդրանիկը Լօռու կողմից, Դուալից օգնութեան հասներ՝ պատերազմը անկասկած ուրիշ ելք կ'ունենար, սակայն բոլոր խօսողները մի բան չգիտեն, որ հենց էդպէս էլ ծրագրած էր եւ կատարուելու վրայ էր, երբ զինուորական բարձր հրամանատարութիւնից հրահանգ եկաւ Անդրանիկին՝ մնալ Դսեղ եւ պաշտպանել երկաթուղու գիծը: Դսեղից տրուած տեղեկութեան հետեանքով մինչեւ էս հրամանը փոխուեց՝ արդէն երրորդ օրն էր եւ գրեթէ միաժամանակ եկաւ Ղարաքիլիսայի անկման քօթը: Յովի. Թումանեան»: Նամակի բնօրինակը պահպանում է Եղիշէ Զարեցի Անուան Գրականութեան եւ Արուեստի Ժանգարանում:

²⁰ Ծնուել է 1883 Օգոստոսի 24ին (Սեպտեմբերի 5) Մալիշկա գիւղում: Նախնական կրթութիւնը ստացել է Զնաքերդ գիւղում (այժմ՝ Նախիջեանի վարչական տարածքում): Սովորել է Գէորգեան ճեմարանում: Մասնակցել է Ա.

Համաշխարհային Պատերազմին, պարզեատրուել բազմաթիւ մեղաւնեւոյ:
Մասնակցել Արեւմտեան Հայաստանի համար մղուած մի շարք մարտերի,
այնուհետեւ՝ Սարդարապատի ճակատամարտին, եղել Կարսի բերդի սպայա-
կոյտի հրամանատար: 1921ին Կարսի բերդի անկման ժամանակ բազմաթիւ հայ
սպաների հետ գերի է ընկել: Նրա զինուորական գործունէութիւնն աւարտուել է
1921ին: Ապրել է Թիֆլիսում: Մահացել է 1941 Մայիսի 2ին՝ Ուխտա քաղաքում:

- ²¹ Ծնուել է 1874ին Վանի նահանգի Չիբուկլու գիւղում: Եղել է Արեւմտեան
Հայաստանի եզդիների առաջնորդներից մէկը: 1900ականների սկզբից
զվխաւորել է հեծեալ ջոկատ, մասնակցել է Ա. Աշխարհամարտին: Սերտ կապ է
հաստատել Վանի հայերի հետ: Յետագայ տարիներին, թուրքական իշխանու-
թիւնների հայախալած քաղաքականութեան պայմաններում, աջակցել է հայ
ֆիդայիներին, ցոյց տուել ռազմական եւ նիւթական օգնութիւն: Զահանգիր աղայի
աշխարհագորային ջոկատը մասնակցել է 1918ի Սարդարապատի եւ Բաշ-
Ապարանի հերոսամարտերին: Անհիմն բռնադատուել է, մահացել բանտում՝
1943ին: Յետմահու արդարացուել է:

- ²² Արամ Մանուկեանի առարկաները թանգարանին է նուիրել դուստրը՝ Սեղա
Մանուկեանը՝ 1998ին: Արծաթէ բաժակակալի վրայ գրուած է «Քաւոր աղին»:
Կլորաւուն, զարդանախշ, սեւադապաւտ մակերեսով թեզանիքակալների վրայ
ամրացուած շղթան աւարտում է զոյգ թռչուններով ձեւաւորուած «Ա» տառի
պատկերով:

- ²³ Ծնուել է 1886ին Աքաստիայի նահանգում: Եղել է կամատր Բուլղարիայից:
1910ին մասնակցել է Սալմաստի եւ Ուրմիայի Սարդարապատ գիւղի, իսկ 1918ին՝
Ղարաքիլիսայի կռիւներին: Մահացել է Ուրմիա քաղաքում 1954ին:

- ²⁴ Ծնուել է Վաչագան գիւղում: Մասնակցել Ա. Աշխարհամարտին, Սարդարապատի
ճակատամարտին, Զանգեզուրի համար մղուող մարտերին: 1930ին ձերբակալուել
է՝ որպէս դաշնակցական: 1937ին գնդակահարուել է Երեւանի բանտում:

- ²⁵ Ծնուել է Արարատի շրջանի Արարատ (Դաւալու) գիւղում: Սովորել է Դաւալուի
երկրասեան դպրոցում: 1906-10՝ ծառայել է բանակում: Մասնակցել է Ա.
Համաշխարհայինին, 1918 Մայիսին՝ Բաշ-Ապարանի ճակատամարտին: 1937
Հոկտեմբերի 19ին ձերբակալուել եւ քստրուել է: 1947 Նոյեմբերին վերադարձել է
քստրաւալայից եւ բնակութիւն հաստատել Էլար (Ներկայիս՝ ք. Արովեան) գիւղում:
1956ին անցել է կենսաթոշակի: Մահացել է Երեւանում 1958ին:

- ²⁶ Ծնուել է 1896ին Թիֆլիսում: 1916ին սովորել է սպայական դպրոցում, այնուհետեւ՝
Մոսկուայի Ֆինանսների Ինստիտուտում: Աշխատել է հաշուապահ: 1914ին մտել
է զինուորական ծառայութեան: Մասնակցել է Ա. Համաշխարհայինին, որի
ընթացքում աւարտել է սպայական դպրոցը եւ ստացել սպայի կոչում: 1918ին
մասնակցել է Սարդարապատի ճակատամարտին՝ որպէս Մարզբալայի
կամուրջապահ զումարտակի հրամանատար: Մասնակցել է նաեւ Բ.
Համաշխարհայինին: Սովետական կարգերի հաստատումից յետոյ ապրել է
Լենինգրադում (Սանկտ-Պետերբուրգ), ապա՝ Մոսկուայում, կեանքի վերջին
տարիներին՝ Երեւանում: Մահացել է 1961ին Երեւանում, թաղուել է Թիֆլիսում:

- ²⁷ Արծանախմբի կենտրոնում Գարեգին Եպս. Յովսէփեանն է՝ Եղիշէի գիրքը
ծեռքին: Նրա աջ եւ ձախ կողմերում ֆիդայիներ են: Արծանախումբն ամբողջա-
նում են աշխարհագորայինները՝ աշխատանքային գործիքներով զինուած:

- ²⁸ Ծնուել է 1869ին, Սուրմալու գաւառի Ապանլու գիւղում: 1880ին ընդունուել է
Էջմիածնի Գեորգեան ճեմարանը: ԵղիՋէ ՀԱՀ խորհրդարանի պատգամատր:

Մայիսեան թախտորոշ օրերին Ջահանգիր աղա խառտիֆովի հետ միասին ղեկավարել է եզդիների հեծեալ գումարտակը:

²⁹ Հեղինակ՝ քանդակագործ Սերժ Մեհրաբեան: Կիսանդրին թանգարանին է նուիրել Մաջիթ թէկ Ուտրեանը, 2012ին: Այն ցուցադրուած է «1918թ. Մայիսեան Հերոսամարտերն եւ ՀԱՀ Հռչակումը» ցուցադրութիւնում:

³⁰ Հեղինակ՝ սփիւռքահայ հասարակական գործիչ, մտաւորական Յակոբ Զանպազեան, որ այն թանգարանին նուիրեց 2018ին:

³¹ «Դէպի Վերջին Հանգրուան» կտաւում պատկերուած է հայ ընտանիքի գաղթի տեսարան: Աղջիկներից մէկի ուսին աստուածաշունչն է, իսկ միւսը՝ ձեռքերը երկինք պարզած, աղօթում է Աստծուն: Եռապատկերի յաջորդ կտաւը կոչում է «Սարդարապատի Ճակատամարտը»: Ներկայացուած է մի դրուագ ճակատամարտից: Կենտրոնում սպիտակ նժույգ հեծած հերոսն է՝ յարձակման պահին: Նրա հուժկու հարուածից թուրքերը ձիերից ցած են ընկել, իսկ մի մասն էլ դիմել է փախուստի: Եռապատկերի երրորդ մասը «Ծեր Մասիսի Հայեացքի Տակ» խորագրով կտաւն է: Կենտրոնում վերածնուած Հայաստանը խորհրդանշող հայ ընտանիքն է՝ շրջապատուած նոր ժամանակների արհեստներն ու արուեստները ներկայացնող կերպարներով: Եռապատկերը թանգարանը ձեռք է բերել 1983ին (ՀԱՊԹ 4278/ա, բ, գ/ «Կ» 5/ ա, բ, գ):

³² «Ասը Հայաստանի» եռապատկերի առաջին մասը կոչում է «Յարատեւութիւն-1915թ.»։ Կտաւի առանցքը կազմում են երիտասարդ կնոջ եւ տղամարդու կերպարները, որոնք իրաշքով փրկուել են Մեծ Եղեռնից: Երիտասարդ կինն իր հետ կորստից փրկել է Սուրբ Գիրքը: Տղամարդը պահել է յանժութեան ջահից: Չոյգի գլխավերեւում գէնքը ձեռքին հսկայ արծուաթե ֆիդային է, որը փրկել է նրանց կորստից եւ տանում է դէպի յարատեւութիւն: Երկրորդ՝ «Մաքառում-1918թ.» խորագրով կտաւը նուիրուած է Սարդարապատի ճակատամարտին: Նկարի ստորին մասում մարտնչող չորս ֆիդայիներից մէկը վիրատուրել է եւ վերջին շնչում ափի մէջ ճգնում է վիշապի գլուխը: Վերեւում ճերմակ ձին հեծած Վարդան Մամիկոնեանն է՝ նիզակով մարտի նետունիս: Հեղինակը զուգահեռներ է անցկացնում Ասարայի եւ Սարդարապատի զոյամարտերի միջեւ: Վերին ձախ անկիւնում ղոզանցում են Սարդարապատի ճակատամարտը խորհրդանշող զանգերը: Կտաւի ներքին ձախ անկիւնում գրուած են Հայաստանի Առաջին Հանրապետութեան հիմնից: Եռապատկերն ամբողջանում է «Վերածնունդ-1920թ.» կտաւով: Կենտրոնում վերածնուած Մայր Հայաստանն է՝ արեւի ճառագայթների մէջ: Մնացականեանի այս աշխատանքը թանգարանը ձեռք է բերել 1980ին (ՀԱՊԹ 7326/1,2,3/ «Կ» 17):

³³ «Սարդարապատի Ճակատամարտը» գեղանկարը ռազմակերպար թեմատիկ աշխատանք է: Կենտրոնում Մայր Հայաստանն է, որի կրծքին՝ կախազարդի վրայ, պատկերուած է Ա. Հանրապետութեան զինանշանը, իսկ ձեռքում ծածանում է դրօշը: Մայր Հայաստանի մօտ պատկերուած են հայրենիքի համար զոհուած հերոսներն, իսկ գլխավերեւում՝ կանոնաւոր բանակը: Ներքեւում Հայաստանը խորհրդանշող Մասիս սարը եւ հայոց հոգեւոր կենտրոն Ս. Էջմիածինն են (ՀԱՊԹ 8416/ «Կ» 25):

³⁴ «Մարշալ Բաղրամեան» դիմանկարում Սարդարապատի ճակատամարտի մասնակիցը պատկերուած է մեծ տարիքում՝ մարշալական համազգեստով: Վերջին երկու կտաւները թանգարանին է յանձնել պաշտպանութեան նախարարութիւնը՝ 2009ին (ՀԱՊԹ 8420/ «Կ» 29):

³⁵ Սարդարապատի հերոսամարի 90ամեակին նվիրված նախագծի շրջանակներում Կենտրոնի սաները այցելեցին թանգարան, ծանոթացան 1918ի մայիսեան հերոսամարտերի պատմությանը եւ ստեղծեցին կտաներ: Ամիսներ անց թանգարանում բացուեց «Սարդարապատի Ղոզանցները» խորագրով ցուցահանդես, որի բնաբանը Պարոյր Սեակի «Սարդարապատ» բանաստեղծության «Սերունդներ, դուք ծեղ ճանաչեք Սարդարապատից» տողերն էին: 2009ին այդ աշխատանքները դարձան ՀԱԹԻ «Կերպարունեստ» ֆոնդի հաաքածուի մաս (ՀԱՊԹ 8359/1-16 «Կ» 24/1-16):

THE ITEMS OF THE MAY 1918 HEROIC BATTLES IN THE PRESERVES OF THE
MUSEUM OF ARMENIAN ETHNOGRAPHY
(Summary)

AREVIK MELIQYAN
arevikmeliqyan@gmail.com

The heroic battles the Armenians fought against the Turkish army invading Eastern Armenia in May 1918 are some of the brightest pages in the history of the Armenian nation. Numerous materials dedicated to these battles are preserved in the National Museum of Armenian Ethnography and History of the Liberation Struggle.

The paper gives a panoramic picture of the collection, summarizing the items preserved in the various sections gathered under the titles «Photos», «Documents», «Precious metals», «History of the heroic battle», «Ethnography and mode of life 1, 2, 3», «Textiles», «Glass», and «Fine arts». Lastly, the author assesses their historical value and notes some of the missing items which could shed further light to these battles, which were detrimental for the Armenian nation.

The author notes that the museum staff have been instrumental in collecting data and items from these battles and that a lot of personal belongings have been recovered from the sons, brothers and grandchildren of those who participated in these battles.